

کولوسي

سورت کیريمن هق توهن بري فولوس
توليس کفد فواق المسيح د بندر کولوسي

فولوس دوق تگور فواق المسيح د کولوسي

باب 1

1-2 اکو ني فولوس، هق توهن لتق سوروه باوا تيته عيسى المسيح، دغن ادیق کو تیموتیوس، اکو کدوا ني کیریم کاسیه کا ادیق برادیق کیت د بندر کولوسي، هق جاني میلیق توهن، هق فرچاي سوغکوه کا عيسى المسيح. اکو مینتاء توهن باف کیت تورون رحمة دي اتس فواق مو دغن سلامت سجهترا.

فولوس دوق اوچف تريما کاسیه کا توهن

- 3 افبیل کیت بردها انتوق فواق مو، کیت اوچف تريما کاسیه کا توهن، ياءیت باف عيسى المسيح ربّي کیت.
- 4 کران کیت دغر ده کات، فواق مو دوق فرچاي کهور قواة کا عيسى المسيح، فس دوق کاسیه سعمور کا سماو اورغ هق جادي میلیق دي. سسوغکوهن، مو دوق بوات بالس ني، کران مو دوق هارف
- 5 نق بولیه فرکارا ۲ هق توهن چادغ تاروه انتوق فواق مو دشرک. مو دغر ده حال فرکارا ۲ ني دالم خبر یغ باءیک، فرکتان هق
- 6 بنر تو، هق توهن بري سمفي کا فواق مو ده. خبر یغ باءیک تو

جاني سروف بوليه حاصلن هق موليق دالم هاتي ماء نسي سرات دنيا. فس اورغ هق فرچاي جاني كهوور بايق، كهوور بايق سعمور. فواق مو فون جاني سروف تو جوگ، جق دماس مو دغر خبريغ باءيك تو، فس فهم سوغكوه ۲ دالم هاتي كات توهن دوق توروون رحمة دي اتس فواق مو.

- 7 فركارا ني مو مولا ۲ مچاجي دايفافراس، اورغ هق كيت كاسيه تو، هق كرج كا عيسو المسيح سكالني دغن كيت. دي دوق تولوغ كيت كي بوات كرج المسيح، دغن سوغكوه ۲ هاتي. فس دياله هق ماري
- 8 رويت بري تاهو كا كيت، كات فواق مو ديق نون كاسيه كا سمو اديق براديق هق جاني ميليق توهن، دغن كواس روح توهن دالم هاتي مو.

دعا فولوس انتوق فواق كولوسي تو

- 9 جق هاري ايفافراس رويت بري كيت دغر خبر چارا حال فواق مو، كيت فون مينتاء دعا دغن توهن تاء فوتوس ۲، نق بري هاتي مو ارتي، فس بوليه بوات سمو فركارا هق توهن سوروه تو، دغن كواس روح توهن.
- 10 بالس توله مو بوليه تورووت جالن هق سوغ دغن اورغ هق جاني ميليق ربتي عيسى، نق بري توهن بركنن كا فواق مو سعمور. كالو مو تورووت جالن ني، مو نق توبيت حاصلن هق موليق، سمو فركارا، فس مو نق ارتي حال توهن كهوور بايق، كهوور بايق لائي.
- 11 فس، كيت دعا دغن توهن بيغ مهاكواس، نق بري فواق مو كواس چوكوف بوليه برديري تگف، فس دوق صبر دغن سوک هاتي، دالم
- 12 بالا كسوساهن اف ۲ فون، دغن اوچف تريما كاسيه كا توهن باف كيت كاتيق، كران دي سوډه بري مو فاتوت نق تريما سگيان فساك هق توهن چارغ تاروه دتمفت چره تو، انتوق اورغ هق

جادي ميليقي دي .

کوء انق يځ ساتو، کيت بوليه سلامت ده

- 13 کران توهن سوده بري کيت لفس بوليه سلامت ده، درفد
کواس شيطان هق کلف تو، فس سوده اليه کيت بري ماسوق
دوق باوه فرينته انق دي هق دي کاسيه سوغځوه تو.
- 14 دغن کران انق دي ماتي توله کيت بوليه لفس ده، معنائن توهن
سوده امفون ده، سموا دوسا ۲ کيت.
- 15 کيت تاء ليه نمفق توهن، تافي دي بري نمفق روف دي کوء انق
يځ ساتو. دپاله هق فريغتک تيغکي فد سموا مخلوق توهن.
- 16 سبب دپاله هق بري جادي سموا مخلوق ني. سموا فرکارا دلاغيث
اتوا دبومي فون، سموا هق مات بوليه نمفق، اتوا تاء ليه نمفق
فون، دي بري جادي بلاک. تاء کيرا کات کواس هق قواة سکالي،
اتوا هق کورغ قواة، سموا ني جادي دغن کواس انق يځ ساتو
هق توهن، فس سموا مخلوق توفون، سود سکالي کنا حرمة کا
انق يځ ساتو تو بلاک.
- 17 کران دولوفد سموا مخلوق اد، انق يځ ساتو هق توهن اد ده،
فس دپاله هق لتق سموا فرکارا ني بري دوق دتمفت دي ماسيځ ۲.
- 18 فس سروف اورغ هق کفلا دوق ميرينته توبوه دي سنديري، سروف
تو جوگ، انق يځ ساتو ني جادي کفلا اتس سموا هق جادي کلوارگ
توهن. دي بري هيدوف چارا بارو کا فواق تو، سبب دپاله هق
ماتي فس هيدوف کليق هق مولا ۲ سکالي. سبب ني له، انق يځ
ساتو اد فريغتک تيغکي سکالي اتس سموا سکل مخلوق تو.
- 19 جادي کهندق توهن باف کيت، نق بري سموا صيقة ۲ هق دي
دوق دالم توبوه انق يځ ساتو هق دي دغن چوکوف سمفرن.
- 20 توجوان توهن، نق بري سموا مخلوق تو، هق اد دلاغيث اتوا
دبومي فون، برهوبوغ جاني باء يک دغن دي سمولا. سموا ن

بوليه کليق دوق دالم سناغن تو، دغن کران انق یغ ساتو ریل
تومغه داره دي ماتي اتس کايو امفت چايغ تو.

فواق کولوسي تو فون بوليه سلامت بالس تو جوگ

21 فواق مو دکولوسي فون جاني بالس تو جوگ. تکه دولو، فواق

مو جاني سترو دغن توهن. فيکيران مو جاهت، فريواتن فون

22 جاهت جوگ. تافي لاني، توهن باف کيت بري فواق مو برهوبوغ

جاي بایک سمولا دغن دي، کران عیسی المسيح سنديري ماتي

رکايو امفت چايغ تو. توجوان توهن، نق بري فواق مو جاي

اورغ سوچي انتوق دي، اورغ هق تاءاد سابيت اف ۲ هق بوليه

حکوم کات ساله، بيلا سمفي ماس المسيح باوا فواق مو کي

مغهادف توهن تو.

23 تنتو المسيح نق باوا فواق مو کي مغهادف توهن، بالس ني،

کالو مو تاء فوتوس فرچاي کا دي. مو کنا دوق برديري تکف

اتس هرافن مو، دغن تاء برگويغ ده. هرافن توهق مو سوده

دغر، فد ماس خبر یغ بایک سمفي ده کا فواق مو دولو. خبر

یغ بایک ني، اورغ کي رويت ده سرات دنيا. اکو فولوس ني

فون اد کرج سروف تو جوگ.

فولوس براس سوک هاتي نق کنا سيقسا انتوق فواق تو

24 لاني اکو دوق براس سوک هاتي تکه ۲ اکو دوق کنا سيقسا

انتوق فواق مو. کران اکو ارتي ده کات، دغن سيقسا توبوه

اکو ني، اکو تولوغ بري چوکوف سموا کسيقسائن هق مستي

کنا جاي کا کلوارگ توهن. کلوارگ ني فون سروف توبوه المسيح

سنديري ده.

25 توهنله هق لتق اکو سوروه بوات کرج انتق نق تولوغ

کلوارگ توهن سموا، سکالي دغن فواق مو جوگ، ياءيت کرج

- رويت خبر درفد توهن چوکوف سماو .
- 26 جق ماس دولو ۲ لاڳي، توهن اد رهسيا، هق دي تاء سير بري مائسي ارتي لاڳي. تافي لاني يي بري پات ده کا سماو اورغ هق جادي ميليقي دي، کات، رهسيا هق دي تاروه دولو تو،
- 27 جادي فرکارا هق مستحق سوځگوه انتوق مائسي سماو بغسا دنيا، ياءيت المسيح تورون ماري نق دوق سکالي دغن اورغ کنف ۲ بغسا، نق بري دي تو اد هق بوليه هارف کو دافن ياءيت نق بوليه سکيان کمليان هق توهن.
- 28 فس کيت دوق رويت حال المسيح ني کا سماو مائسي. کيت بري امران کا اورغ. کيت مهاجر کنف ۲ اورغ، بري دي تاهو چوکوف سماو. توجوان کيت، نق بري دي بوليه ماري مفهارد توهن دغن سمفرن کو دافن، کران يي دوق سهاتي سپاوا دغن المسيح.
- 29 اکو فولوس ني فون، کرج توبيت ريغ هابيس ۲ چيکف ده، نق سمفرن توجوان اکو ني، دغن برگنتوغ سمات ۲ فد کواس المسيح، هق دي تورون کا اکو انتوق بوات کرج کو ني.

توجوان فولوس انتوق اومه المسيح سماو

باب 2

- 1 اکو رويت بالس ني، نق بري اديق براديقي کو تاهو کات، کرج برت ستارا مان هق اکو بوات انتوق فواق مو دکولوسي. فس انتوق فواق المسيح دبندر لاء وديکيا کاتيقي، دغن اورغ لاءين ۲ دالم فواق مو هق تاء کتل دغن اکو لاڳي.
- 2 توجوان کو، نق تولوغ بري هاتي اديق براديقي سماو کهور کس لاڳي، دغن سبب مو دوق برهوبوغ رحيم سام سنديري. فس اکو نق بري مو جادي اورغ کاي علمو، دغن سبب مو ارتي دغن تنتو، رهسيا هق توهن بري پات، ياءيت المسيح سنديري.
- 3 کران المسيح نيله جاني سروف دغن انق کونجي هق بوليه

بوک بري پات سموا ککيان توهن، ياءيت بيچقسنان دغن علمو
هق دي.

- 4 اکو رويت بالس ني، سبب اکو تاءسير بري سياف ۲ ماري تيغو
فواق مو، دغن فغايجران هق مناريق هاتي بري کامق ۲ کات
5 بتول. کران اکو دوق ايغت کا فواق مو سعمور. سوغکوه فون
توبوه کو دوق جاءوه، تافي فراسان هاتي کو دوق سکالي دغن
مو سعمور. فس اکو براس سوک هاتي جوگ، کران اکو تاهوده
فواق مو سموا فاکت دوق تکه فرچاي کا المسيح تو.

کيت کنا برگنتوغ فد عيسى المسيح ساج

- 6 سابيت مو سوده تريما ده عيسى المسيح، کات دي ربي
مو، لاني مو کنا دوق توروک جيچق لغکه دي جوگ. کالو ميسل،
7 مو کنا تومبوه اکر دالم المسيح، فس تومبوه نايک دالم دي
جوگ. فس، هق مو فرچاي فد دي، مو کنا بري کهور ۲ قواة
سعمور، ايکوت فغايجران هق مو تريما ده. فس، اوچفله ريبيان
تريما کاسيه کفد توهن سعمور.

جاغن مو کنا تيغو دفغايجران هق لائين

- 8 جاگ موليق ۲ له! جاغن بري هاله کا اورغ هق ماري نق ترکم
امبيق فواق مو، فس تيغو مو دغن فرکتان هق مانيس ۲، سوروه
مو توروک فيکيران دي سنديري هق چريديک تو، تافي سسوغکوهن
سيا ۲ ساج. فيکيران دي تو ماري درفد مائسي ساج، درفد
کواس هق جاهت دالم دنيا. تنتو اصلن بوکن هق المسيح، بق!
9 سبب دالم توبوه المسيخله سموا صيفه ۲ هق توهن، دوق ار
دغن سمفرن.
10 فس مو هق دوق سهاتي سپاوا دغن المسيح نيله، بوليه هيذوف
دغن سمفرن کران المسيح دوق فرينته ده، اتس سموا کواس،

دالم دنيا اتوا دلاغيث فون .

- 11 فس ، سبب مو دوق سهاتي سپاوا دغن المسيح ده ، مو سوده تريما تندا دي دالم ديرې مو ، هق بوليې بنديغ دغن تندا برسونت اورغ يهوي. تافي تندا هق المسيح ني تاسروف دغن تندا هق مائسي بوات سنديري تو. تندا المسيح ني ، معناش طبيعة جاهت دالم هاتي بواغ ده .

روکون مندي تو جاري تندا انتوق مو

- 12 فس ، روکون مندي بفتيزما هق مو تريما ده تو ، جاري تندا انتوق مو جوگ ، معناش ، جاني سروف مو تورت جالن هق المسيح سنديري ، ياءيت مو کما تانم دالم قبور سکالي دغن دي ، فس مو هيډوف کليق ده سکالي دغن دي جوگ . مو جاني بالس تو کران مو برگنتوغ فد کواس توهن دغن هاتي فرچاي ، ياءيت کواس هق توهن فاکي بري عيسي هيډوف کليق درفد قبور تو .
- 13 تکه دولو ، فواق مو دوق سروف دغن اورغ هق ماتي ده ، تاء کابر چارا حال توهن ، دوق تورت هوا نفسو بوات دوسا سعمور . مو جاني اورغ بغسا لائين ، هق توهن تاء تورتون حکوم ۲ دي کا فواق مو . تافي لاني ، توهن سوده تولوغ بري مو بوليې هيډوف چارا بارو سکالي دغن المسيح . توهن سوده امفون ده سموا دوسا ۲ کيت .
- 14 دي هافوس بري تربطل سورت حکومن کسلاهن کيت ، دغن امبيق کي فاکو دکايو امفت چابغ ، تکه عيسي ماتي تو .
- 15 دغن بوات بالس تو ، المسيح بري هابيس بيسا کواس ۲ هييليس هق مات تاءليه نمفق تو . کواس ۲ تو فون هاله کا المسيح ، سروف اورغ فرغ هق هاله ده ، کما بلارق تورت بلاکغ هق منع تو .

کيت لفس ده درفد اتوران هق لوار تو

- 16 سبب توله مو تاء کنا دغر کا اورغ هق حکوم کات موساله
اتوران ني، کران بارغ هق مو ماکن مينوم، اتوا کران مو تاء
فاکي هاري راي، هاري بولن بارو، اتوا هاري ميغکو، هق ني
دوق فاکي سعمور.
- 17 کران سَموا اتوران تو جادي چنتوه هق بري اورغ تاهو کات، ار
هق سجاتي نق ماري کديان. فس هق سجاتي تو ماري ده،
ياءيت المسيح سنديري.
- 18 مو تاء کنا دغر کا اورغ هق کات موساله، هق کايچ سوروه مو
مغهينا کا ديري مو سنديري، اتوا سمبه بوات عمل کا ملائکه
مان ۲ فون. اورغ تو سوک رويت دغن هالوسي فرکارا فليق، هق
ني کات توهن بري ني نمفد ده، تافي سوغکوه اورغ ني تاء ار
اف نق بري بسر کا ديري ني بالس ني. کران هق ني رويت
تو، ني توروت طبيعة جاهت دالم هاتي ني.
- 19 ني نق دوق سوکو دغن المسيح هق جاي کفلا تو. فس کفلا
نيله هق بچارا کا سَموا توبوه ني. توجوان المسيح، نق بري
هاتي کيت کهور قواة، کهور قواة فرچاي. فس، ني نق بري
کيت دوق سهاتي سام سنديري جوک. اينيله کهندق توهن
انتوق کيت. ميسل سروف اورت ۲ دالم توبوه بدان کيت دوق
بريکم سام سنديري، نق بري کا که سَموا توبوه.
- 20 ايغتله اديق براديق! مو سوده توروت جالن المسيح ده، سروف
مو ماتي سکالي دغن دي. معنان، لاني مو تاء کنا دوق دالم
کواس مان ۲ فون، ملينکن دالم کواس توهن. باء اف مو نق
دوق سروف هق دولو لاکي؟ باء اف مو نق توروت اتوران ۲ هق
21 لارغ کات: جاغن مو فکغ هق تو. جاغن مو ماکن هق ني. فس
جاغن مو جامه موک تو، موک ني!

22 عاده ۲ تو ليسوس، نق فونه ساج. تکه دوق فاكي فون، دي هنجور هيلغ ده. فس هق لارغ تو، اصلن درفد فيکيران ماءنسي ساج، هق سوک مغاجر.

23 سوغکوه فون دغن فرکارا ۲ ني، نمفق سروف اورغ دوق توروت علمو هق يالم، دغن فقسا ديري دي بري قواة برعمل دغن مشهينا کا ديري دي، فس دغن بوات تروق کا تبوه .بدان دي. تافي فرکارا ۲ سمو ني تاء ار کواس نق تاهن هوا نفسو دالم . هاتي ماءنسي کيت.

باب 3 مو بوليه هيديوف دغن کواس المسيح ساج

1 ايغتله اديق براديق کو! دغن توروت جالن المسيح جادي سروف مو هيديوف کليق ده، سکاالي دغن دي. سابيت توله مو کنا توروت جيچق لغکه دي، دغن هادف کوء تمفت توهن يائيتمت المسيح دوق فرينته دغن کواس فنوه، دسبله کانن توهن.

2 مو کنا فرهاتي تيغوق کا فرکارا هق موليق، هق باليق تمفت توهن تو. مو تاء کنا فرهاتي تيغوق کا فرکارا ۲ باليق دنيا. 3 کران لاني مو سروف اورغ هق ماتي ده، فوتوس هابيس دغن فرکارا باليق دنيا. هيديوف چارا بارو هق فواق مو فون دوق سام المسيح. مو دوق دالم ليغکوغن توهن، کران مو دوق سهاتي دغن المسيح، هق دوق سهاتي دغن توهن فول.

4 فس، بيلا المسيح هق بري کيت هيديوف تو، نق تورون ماري دافن مات سمو ماءنسي فول، فواق مو فون نق ماري سکاالي دغن دي، انتوق بري پات کات، مواد سکیان دغن کمليان هق دي.

هيديوف چارا بارو دغن هيديوف توروت نفسو ۲ مو

5 سابيت توله، اديق براديق کو، مو کنا تيغگل نفسو جاهت

مو، سروف مو بونوه دي، ياءيت نفسو هق سوک بوات جاهت
جنتن بتينا، نفسو هق سوک توروت سموا فرکارا هق چمر،
نفسو هق بري مو کيلا نق هق تو، نق هق ني، نفسو هق سوک
بوات جاهت سمات ۲، فس نفسو طمع، کران سسوځگوهن اورځ
طمع بردوسا سروف اورځ هق سمبه برهالا .

6 فس، دښن کران سموا فرکارا ني توهن نق مرک، تندو دي نق
جاتوه حکوم اتس اورځ هق تاء سير طاعة کا دي.

7 اديق براديق سنديري فون بياس جايي بالس تو جوځ، بوکن، تکه
مو دوق باوه فرينته هوا نفسو مو دولو ؟

8 تافي لاني اديق براديق کما بواځ سموا نفسو ني، بري توبيت
دالم هاتي، تاء کيرا کات نفسو هق بري مو موريه کا اورځ فس
هق بري مو فانس ميالا هق مان ۲ فون، نفسو هق بري مو
بنجي نق بوات جاهت کا اورځ . فس فرکتان مغوفت کا اورځ،
دښن کيچيق چافوځ فون، جاشن بري توبيت دمولوت جوځ.

9 جاشن مو کيچيق بوهوځ سام سنديري، کران مو سوده بواځ ده
طبيعه مو هق سديا، هق بري مو بوات سموا فرکارا جاهت تو.

10 لاني مو دوق فاكي طبيعة هق بارو، هق موليق ده . فس،
طبيعة هق بارو ني، المسيح کهور ۲ بري جايي سروف فراځي
هق دي سنديري. توجوان توهن، نق بري فواق مو بولييه کنل
دي دښن سمفرن.

11 ماءنسي هق جايي فراځي بارو بالس ني، تاء ار مستحق دي
بغسا يهوي اتوا بغسا لاءين ۲، دي تريما ده تندا برسونه
اتوا تاء تريما، بلرله. دي جايي اورځ لوار هق تاء تاهو عاده
کيت، اتوا اورځ هوتن فون، همب اورځ اتوا توکيه فون، بلرله،
سموا فرکارا ني تاء مستحق انتوق اورځ هق فراځي بارو بالس
تو. هق مستحق سکالي انتوق دي ياءيت المسيح، هق دوق
دالم سموا فواق ني.

فولوس بري نصيحه انتوق سمو اورغ هق فراغي بارو

- 12 مو جايي اورغ هق توهن کاسيه، هق دي سوده فيليه جايي ميليقي دي. سابيت توله، مو کنا امبيق فاكي فراغي هق ميليقي يائييت کسياغ بلس کا اورغ، بوات بويي بهاس کا اورغ، مو کنا مرند دي ري، هاتي لمه لمبوت، کنا صبر دي ري مو.
- 13 مو کنا ايغت سام سنديري، فس کالو اد اورغ هق بوات ساله کد مو، مو فون کنا معاف کا دي، سرووف توهن سوده امفون
- 14 کد مو. فس هق مستحق سکا لي، کنا کاسيه مو اکو. فراغي کاسيه ني فون، مو کنا امبيق فاكي بري کجت سمو فرکارا هق ميليقي سائي تو.
- 15 سنغ هاتي هق عيسي المسيح بري ده کا فواق مو، مو کنا بري جايي سرووف اورغ تغه دالم هاتي مو سعمور. اينيله جالن هق توهن فيليه، نق بري فواق مو دوق سهاتي مو اکو، کران مو جايي سرووف ساتو توبوه. فس ميليقله مو دوق اوچف تريما کاسيه کا توهن سعمور.
- 16 بريله فرکتان المسيح کهور ۲ توبيت حاصلن بي دالم هاتيمو، هيغک سمفي مو کاي دغن علمو سوغکوه. مو کنا مغاجر بري نصيحه کاتيقي، مو اکو دالم فواق مو، ايکوت علمو هق توهن بري کد مو. فس، مو پاپيله دغن سوغکوه ۲ هاتي، فوجين کا توهن، ديکير ۲ دغن لاکو ۲ هق روح توهن بري کا هاتي مو. فس پاپي دغن اوچف تريما کاسيه کا توهن دالم هاتي مو سعمور ۲.
- 17 اف ۲ هق مو دوق بوات، هق مو دوق رويت فون، بوات دغن ايغت کات، مو باوا ۱ تيته رتي عيسي. فس اوچف تريما کاسيه کا توهن باف کاتيقي، دغن نام المسيح تو.

جالن کيت کنا برسڱکوت فءوت سام سنديري

- 18 هي فواق مو هق جادي بيني! مو کنا طاعته کا توء لاکي مو. فاتوت اورڱ کريستين کنا بوات بالس تو.
- 19 فس اورڱ هق جادي لاکي فول، مو کنا کاسيهله کا بيني، تاءليه بيغکيغ دغن دي.
- 20 فواق مو هق جادي انق فون کنا توروت سموا فرينته ايبو باف مو، کران توهن برکن کا اومه دي بوات بالس ني.
- 21 تافي مو هق جادي ايبو باف فول، جاغن مو دوق کيلا مغيقيق سمور، سهيغگ انق جادي بيغوغ تاءان نق توروت.
- 22 فواق مو هق جادي همب اورڱ فون، مو کنا بوات توروت سموا فرکارا هق توان سوروه. فس جاغن مو بوات موليق دافن مات توان مو ساج، نق بري دي برکن کفد مو، تافي بلاکغ مات دي مو بوات هودوه. مو کنا کرج سوغکوه ۲ کران تاکوت کا توهن هق دوق اد سمور.
- 23 کرج مان ۲ هق مو دوق بوات فون، مو کنا بوات دغن اخلاص هاتي مو، هق سوغ فاتوت دغن بوات کرج انتوق توهن، بوکن انتوق مءنسي ساج. کران مو تاهوده، توهن نق بري کفد مو، فساک هق دي چارغ تاروه انتوق مو. سوغکوه مو کرج انتوق ربي کيت المسيح. ديهاله هق جادي توان مو، بوکن مءنسي تو.
- 25 فس، سياف دي بوات ساله، توان اتوا همب فون، توهن نق حکوم کا دي سروف سموا، فس نق بالس دغن سوغ فاتوت ستارا مان دي بوات تو.

باب 4

- 1 فس فواق مو هق جادي توان اورڱ کرج، مو کنا بوات موليق دغن عاديل کا اورڱ کرج تو. ايغته، مو سنديري فون جادي همب

جوگ. توان مو دوق دشرگ.

فسنن فولوس چارا حال بردعا

- 2 مو کنا تبیع مینتاء دعا سعمور، جاغن بري لالي. فس،
تکه مو دوق بردعا تو، مو کنا اوچف تريما کاسيه کا توهن،
- 3 فس، مینتاء له انتوق کيت کاتيق. مینتاء توهن بوک جالن،
بري کيت بوليه کي رويت خبرهق ماري درفد توهن، ياءيت خبر
چارا حال المسیح، هق مولا ۲ توهن تاروه، تافي لاني يي بوک
ده. کران سابيت توله، اکو کنا کوروغ دالم کوق.
- 4 بردعاله مینتاء توهن بري اکو بوليه رويت خبر ني دغن تروس
ترغ، کرج هق مستي اکو کنا بوات.
- 5 مو کنا ايغت بري مولیق، اف ۲ مو نق بوات کيچيق کا اورغ
هق تاء فرچاي سروف مو تو. جاغن مو بري روکي ساج، فلواغ
هق توهن بري کغد مو.
- 6 جاگاله کيچيفن مو تو، بري اد فائیده کا اورغ هق دغر، فس،
مو نق تاهو جواب سوائن اورغ مان ۲ فون بري بتول.

سائين ۲ فولوس کيريم کاسيه کا اورغ فواق کولوسي

- 7 تيکيکوس، اديق کو هق اکو کاسيه تو، نق باوا خبر
فواق اکو دسيني، کا فواق مو. يي دوق تولوغ کيت سمو
دغن سوغکوه ۲ هاتي، فس يي بوات کرج ربّي عیسی سکالي
8 دغن اکو جوگ. اکو هنتر يي کي کا تمفت فواق مو، نق بري
يي رويت سمو کجادين کيت بالیق کو، فس نق تمبه سماغت
فواق مو کاتيق.
- 9 فس، هق کي سکالي دغن يي تو، اکو سوروه اونيسيموس، هق
دوق بالیق مو دولو تو. اونيسيموس ني اديق کيت هق سمو
اورغ کاسيه، فس کيت بوليه هارف کا يي سوغکوه. يي کدوا

- تو بوليه رويت کا اديق براديق باليق مو، سموا فرکارا هق جادي باليق کو ني.
- 10 اريسترکوس، هق دوق کوروغ دالم کوق سکالي دغن اکو دسيني فون، کيريم سلام کا اديق براديق کاتيقي. مرقوس فون، سفوفو دغن برنابس، کيريم کاسيه کا فواق مو جوگ. چارا حال مرقوس ني، مو تريما ده فسنن اکو کات، مو کنا سمبوت دي بري موليق ۲، بيلا دي سمفي کا نگري مو تو.
- 11 فس عيسي هق اورغ فغکيل جوستوس، دي فون کيريم سلام کاتيقي. دالم فواق اورغ ييهوي سموا هق جادي فواق المسيح تيگ اورغ ني ساج، هق کرج سکالي دغن اکو، نق بري اورغ رات ۲ تمفت ماسوق توروت فرينته توهن. فس تيگ اورغ ني بياس تولوغ اکو سوغکوه ۲.
- 12 ايفافروس، همب عيسي المسيح سئورغ لاکي، هق جادي سفواق دغن مو دولو تو، دي کيريم سلام جوگ. دي دوق برعا سوغکوه ۲ سعمور، انتوق فواق مو، مينتاء توهن بري فواق مو برديري تگف، جادي اورغ هق فرچاي دغن سمفرن، هق يقين نق طاعة سموا فرکارا هق توهن کهندق انتوق مو.
- 13 اکو فولوس ني، بوليه جادي سقسي کات، سوغکوه ايفافروس سائي راجين کرج انتوق فواق مو، فس انتوق فواق دبندر لاءوديکيا کاتيقي، دغن فواق دبندر هيرافوليس کاتيقي.
- 14 بومور لوقس هق کيت کاسيه تو، دغن ديمس، کيريم سلام جوگ. فس اکو فولوس فون، نق سوروه فواق مو باواء سلام
- 15 کوکي سمفي کا فواق اديق براديق دبندر لاءوديکيا، فس کفد فواق المسيح هق کي فراچوم درومه نومفس کاتيقي.
- 16 بيلا مو سوده باچ سورت ني، بري سموا اورغ دغر ده، مو کنا هنتر بري سمفي کا فواق المسيح هق دوق دبندر لاءوديکيا

- فول. فس، سورت هق رلاء وديکيا تو، امبيق ماري باچ رافن
فواق مو رکولوسي جوگ.
- 17 فس، تولوغ کي رويت کا ارخيفوس کاتيک، کات: فولوس سوروه
مو بوات بري سوده موليق ۲، کرج هق مو دوق تڱکوڱ انتوق
رڻي عيسيٰ تو.
- 18 ايات هق سور ني، اکو فولوس توليس دغن تاغن کو سنديري،
نق کيريم سلام کا اديق براديق سموا. فس تکه مو دوق مينتاء
دعا، جاغن ترلوف کا اکو، هق دوق دالم گوک ني.
اکو مينتاء توهن تورون رحمة دي اتس فواق مو سموا.